

গণপ্রজাতন্ত্রী বাংলাদেশ সরকার
পরিকল্পনা কমিশন
শিল্প ও শক্তি বিভাগ
পাট, বস্ত্র ও বেপজা উইং
www.plancom.gov.bd


স্মারকঃ ২০.০৫.০০০০.৪৩২.০১৪.০১.০০২.২০১০ (খঙ-৪)/৮১

তারিখ: ১৬ শ্রাবণ, ১৪২৩ বঙ্গাব্দ
৩১ জুলাই, ২০১৬ খ্রি:

বিষয়ঃ প্রকল্প মূল্যায়ন কমিটি (পিইসি) সভার কার্যবিবরণী প্রেরণ।

পরিকল্পনা কমিশনের শিল্প ও শক্তি বিভাগের ভারপ্রাপ্ত সদস্য জুয়েনা আজিজ এর সভাপতিত্বে বস্ত্র ও পাট মন্ত্রণালয় কর্তৃক প্রস্তাবিত “এইচ.ওয়াই. ভি জুট এন্ড জুট সিড প্রোডাকশন এন্ড ইমপ্লুড জুট রেটিং প্রজেক্ট (৩য় সংশোধিত)” শীর্ষক প্রকল্পের ওপর গত ২১/০৭/২০১৬ তারিখে প্রকল্প মূল্যায়ন কমিটি (পিইসি)-এর সভা অনুষ্ঠিত হয়।

০২। সভার কার্যবিবরণী সদয় অবগতি ও প্রয়োজনীয় ব্যবস্থা গ্রহণের জন্য নির্দেশক্রমে এতদসঙ্গে প্রেরণ করা হলো।


৩১-৭-২০১৬
(তাহেরা হক)

সিনিয়র সহকারী প্রধান
ফোন নং-৯১১৭৩৩১

ই-মেইল-h.tahera@yahoo.com

বিতরণ (জ্যেষ্ঠতার ক্রমানুসারে নয়):

- ১। সিনিয়র সচিব, জনপ্রশাসন মন্ত্রণালয়, বাংলাদেশ সচিবালয়, ঢাকা।
- ২। সিনিয়র সচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা।
- ৩। সচিব, বস্ত্র ও পাট মন্ত্রণালয়, বাংলাদেশ সচিবালয়, ঢাকা।
- ৪। সচিব, বাস্তবায়ন পরিবীক্ষণ ও মূল্যায়ন বিভাগ, শেরে-বাংলা নগর, ঢাকা।
- ৫। সচিব, বন ও পরিবেশ মন্ত্রণালয়, বাংলাদেশ সচিবালয়, ঢাকা।
- ৬। সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ৭। প্রধান, সাধারণ অর্থনীতি বিভাগ, পরিকল্পনা কমিশন, শেরে বাংলা নগর, ঢাকা।
- ৮। প্রধান, কার্যক্রম বিভাগ, পরিকল্পনা কমিশন, শেরে বাংলা নগর, ঢাকা।
- ৯। মহাপরিচালক, পাট অধিদপ্তর, মতিঝিল, ঢাকা।

সদয় অবগতির জন্য অনুলিপিঃ-

- ১। ইসরাত জাহান ইরা, সহকারী প্রোগ্রামার, আইসিটি শাখা, পরিকল্পনা বিভাগ (ওয়েব সাইটে প্রকাশের প্রয়োজনীয় ব্যবস্থা গ্রহণের জন্য)।
- ২। সদস্য (শিল্প ও শক্তি বিভাগ) মহোদয়ের একান্ত সচিব, শেরে-বাংলা নগর, ঢাকা।
- ৩। প্রধান (শিল্প ও শক্তি বিভাগ) মহোদয়ের ব্যক্তিগত কর্মকর্তা, শেরে-বাংলা নগর, ঢাকা।
- ৪। যুগ্ম-প্রধান (পাট, বস্ত্র ও বেপজা উইং) মহোদয়ের ব্যক্তিগত কর্মকর্তা, শেরে-বাংলা নগর, ঢাকা।
- ৫। অফিস কপি।

গণপ্রজাতন্ত্রী বাংলাদেশ সরকার
পরিকল্পনা কমিশন
শিল্প ও শক্তি বিভাগ
পাট, বস্ত্র ও বেপজা উইং

বিষয়ঃ প্রকল্প মূল্যায়ন কমিটি (পিইসি) সভার কার্যবিবরণী।

পরিকল্পনা কমিশনের ভারপ্রাপ্ত সদস্য (শিল্প ও শক্তি) জুয়েনা আজিজ এর সভাপতিত্বে বস্ত্র ও পাট মন্ত্রণালয় কর্তৃক প্রস্তাবিত “উচ্চ ফলনশীল (উফশী) পাট ও পাট বীজ উৎপাদন এবং উন্নত পাট পচন (৩য় সংশোধিত)” শীর্ষক প্রকল্পের ওপর গত ২১/০৭/২০১৬ তারিখে পরিকল্পনা কমিশনের সম্মেলন কক্ষে প্রকল্প মূল্যায়ন কমিটি (পিইসি)-এর সভা অনুষ্ঠিত হয়। সভায় উপস্থিত কর্মকর্তাবৃন্দের তালিকা পরিশিষ্ট-‘ক’ তে সন্নিবেশিত করা হল।

২। আলোচ্যসূচী :

- প্রকল্পের নাম : উচ্চ ফলনশীল (উফশী) পাট ও পাট বীজ উৎপাদন এবং উন্নত পাট পচন (৩য় সংশোধিত)।
- উদ্যোগী মন্ত্রণালয়/বিভাগ : বস্ত্র ও পাট মন্ত্রণালয়।
- বাস্তবায়নকারী সংস্থা : পাট অধিদপ্তর
- প্রকল্পের প্রাক্কলিত ব্যয় :

(কোটি টাকায়)

প্রকল্প ব্যয়	মূল অনুমোদিত	১ম সংশোধিত অনুমোদিত	২য় সংশোধিত অনুমোদিত	৩য় সংশোধিত প্রস্তাবিত	২য় সংশোধিত ব্যয়ের চেয়ে হ্রাস/বৃদ্ধি (%)
মোট	১৬৯.০৩০৩	১৭৬.৯৭২২	১৮৩.৮৬৯৫	১৫১.৯২১৪	-৩১.৯৪৮১ (১৭.৩৮%)
জিওবি	১৬৯.০৩০৩	১৭৬.৯৭২২	১৮৩.৮৬৯৫	১৫১.৯২১৪	-৩১.৯৪৮১ (১৭.৩৮%)
প্রকল্প সাহায্য	-	-	-	-	-

- প্রকল্পের অর্থায়ন ও উৎস (কোটি টাকায়) :

অর্থায়নের ধরণ	জিওবি	প্রকল্প সাহায্য	অর্থায়নের উৎস
ঋণ	-	-	জিওবি
অনুদান	১৫১.৯২১৪	-	
ইকুইটি	-	-	
মোট	১৫১.৯২১৪	-	

- প্রকল্পের বাস্তবায়নকাল :

	মূল অনুমোদিত	আরম্ভ	সমাপ্তি
(ক)	মূল অনুমোদিত	জুলাই ২০১১	জুন ২০১৬
(খ)	১ম সংশোধিত অনুমোদিত	জুলাই ২০১১	জুন ২০১৬
(গ)	২য় সংশোধিত অনুমোদিত	জুলাই ২০১১	জুন ২০১৬
(ঘ)	ব্যয় বৃদ্ধি ব্যতিরেকে মেয়াদ বৃদ্ধি	জুলাই ২০১১	জুন ২০১৭
(ঙ)	৩য় সংশোধিত (প্রস্তাবিত)	জুলাই ২০১১	জুন ২০১৭

- প্রকল্প এলাকা : দেশের ৪৪ টি জেলার ২০০টি পাট উৎপাদনকারী উপজেলা।

৩। উপস্থাপনা :

৩.১ সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। তিনি প্রকল্পটি উপস্থাপনের জন্য এ বিভাগের প্রধান-কে আহ্বান জানান। সভাপতির আহ্বানে প্রধান জানান যে, কৃষককে উচ্চ ফলনশীল (উফশী) পাট ও পাট বীজ উৎপাদন এবং পাট পচনের আধুনিক পদ্ধতি ও কলা-কৌশলের ওপর প্রশিক্ষণ প্রদান করার লক্ষ্যে মূল প্রকল্পটি সম্পূর্ণ জিওবি অর্থায়নে মোট ১৬৯.০৩০৩ কোটি টাকা প্রাক্কলিত ব্যয়ে জুলাই ২০১১ হতে জুন ২০১৬ পর্যন্ত বাস্তবায়ন মেয়াদে গত ১৩/০৯/২০১১ তারিখে একনেক কর্তৃক অনুমোদিত হয়। পরবর্তিতে বাস্তবায়ন মেয়াদ অপরিবর্তিত রেখে প্রকল্পটি ১৭৬.৯৭২২ কোটি ও ১৮৩.৮৬৯৫ কোটি টাকা ব্যয়ে যথাক্রমে ১ম ও ২য় সংশোধন করা হয়। বর্তমানে পে-স্কেল ২০১৫ অনুযায়ী বিদ্যমান জনবলের বেতন-ভাতাদি নির্ধারণ এবং অন্যান্য অঙ্গের পরিমাণ ও ব্যয় হ্রাস-বৃদ্ধির কারণে ৩য় সংশোধনের প্রস্তাব করা হয়েছে। এ সংশোধনের বিষয়ে মাননীয় পরিকল্পনা মন্ত্রী সদয় সম্মতি প্রদান করেছেন বলে তিনি সভাকে অবহিত করেন।

৪। আলোচনাঃ

৪.১ প্রকল্পটি গ্রহণের যৌক্তিকতা সম্পর্কে জানতে চাওয়া হলে বস্ত্র ও পাট মন্ত্রণালয়ের প্রতিনিধি জানান যে, দেশে প্রতি বছর প্রায় ৬০০০-৬৫০০ মে: টন পাট বীজের প্রয়োজন। এর মধ্যে বিএডিসি তার চুক্তিবদ্ধ চাষীদের নিকট হতে দেশী ও তোষা জাতসহ প্রায় ৯০০-১১০০ মে: টন এবং পাট অধিদপ্তর আলোচ্য প্রকল্পের মাধ্যমে প্রায় ১৫০০-২০০০ মে: টন উফশী জাতের পাট বীজ উৎপাদন করে থাকে। চাহিদার তুলনায় তা অত্যন্ত কম হওয়ায় পার্শ্ববর্তী দেশ হতে অবশিষ্ট বীজ আমদানী করতে হয়। এ পরিপ্রেক্ষিতে জাতীয় চাহিদা পূরণের লক্ষ্যে বাংলাদেশ পাট গবেষণা ইনস্টিটিউট (বিজেআরআই) কর্তৃক উদ্ভাবিত নতুন উচ্চ ফলনশীল (উফশী) জাতের পাট বীজ কৃষকদের মধ্যে দ্রুত প্রবর্তন এবং কৃষক পর্যায়ে অধিক পরিমাণ উফশী পাট বীজ উৎপাদন, সংরক্ষণ ও বিতরণ এবং উন্নত প্রযুক্তি হস্তান্তর ও সম্প্রসারণের মাধ্যমে উন্নত পাট আঁশ উৎপাদনের লক্ষ্যে পাট অধিদপ্তরের আওতায় প্রকল্পটি গ্রহণ করা হয়। প্রকল্পের অগ্রগতির বিষয়ে প্রকল্প পরিচালক জানান যে, জুন ২০১৬ পর্যন্ত ক্রমপুঞ্জিত ব্যয় হয়েছে মোট ১১৫.৫৮ কোটি টাকা যা ২য় সংশোধিত অনুমোদিত ব্যয়ের ৬২.৮৬%। উক্ত সময়ে বাস্তব অগ্রগতি হয়েছে ৬৫%। আইএমইডি'র প্রতিনিধি জানান যে, প্রস্তাবিত সংশোধিত ব্যয়ের নিরিখে প্রকল্পের আওতায় অবশিষ্ট আছে ৩৬.৩৪১৪ কোটি টাকা। উক্ত অর্থ আগামী জুন ২০১৭ পর্যন্ত বর্ধিত এক বছর মেয়াদে ব্যয় সম্পাদনপূর্বক অবশিষ্ট বাস্তব অগ্রগতি অর্জনের বিষয়ে তিনি আশঙ্কা প্রকাশ করেন। বিস্তারিত আলোচনা শেষে প্রকল্পটির অবশিষ্ট কাজ আগামী বর্ধিত এক বছর মেয়াদে সুষ্ঠুভাবে সম্পাদনের লক্ষ্যে একান্ত অপরিহার্য অঙ্গসমূহের ব্যয় আরও যৌক্তিকভাবে নির্ধারণের বিষয়ে সভায় একমত পোষণ করা হয়।

৪.২ প্রকল্পটি বাস্তবায়নের ক্ষেত্রে উল্লেখযোগ্য সমস্যা সম্পর্কে জানতে চাওয়া হলে প্রকল্প পরিচালক জানান যে, পাট বীজ সংক্রান্ত নীতিমালায় বীজ প্রত্যয়নের বিষয়ে কিছু সীমাবদ্ধতা থাকায় এ মুহূর্তে আলোচ্য প্রকল্পের অওতায় তালিকাভুক্ত চাষীদের মাধ্যমে উৎপাদিত পাট বীজ ক্রয় করা সম্ভব হচ্ছে না। প্রকল্পের আওতায় উৎপাদিত পাট বীজ প্রত্যয়নের বিষয়টি নিশ্চিত করা সম্ভব হলে কৃষকগণ বীজ বিক্রয়ের ক্ষেত্রে বিশেষভাবে উপকৃত হবেন। এতে আরো অধিক হারে উফশী পাট বীজ উৎপাদনের ক্ষেত্রে ইতিবাচক প্রভাব পড়বে বলে তিনি অভিমত ব্যক্ত করেন। প্রসঙ্গক্রমে পাট ও বস্ত্র মন্ত্রণালয়ের প্রতিনিধি জানান যে, বস্ত্র ও পাট মন্ত্রণালয় এবং কৃষি মন্ত্রণালয়ের উদ্যোগে একটি কমিটি এ বিষয়ের ওপর কাজ করছে। বিস্তারিত আলোচনা শেষে বস্ত্র ও পাট মন্ত্রণালয় কর্তৃক এ প্রকল্পের আওতায় উৎপাদিত পাট বীজ প্রত্যয়ন করাসহ প্রকল্পের তালিকাভুক্ত কৃষকগণের কাছ থেকে সংগ্রহ ও সংরক্ষণের জন্য উদ্যোগ গ্রহণ করার বিষয়ে সভায় একমত পোষণ করে।

৪.৩ প্রকল্প পরিচালক বিভিন্ন উপজেলায় পাট বীজ উৎপাদনের বিষয়ে জানান যে, প্রকল্পভুক্ত ২০০টি উপজেলার মধ্যে ভূমির উচ্চতা ও প্রকৃতি এবং আবহাওয়া জনিত কারণে পাট বীজ উৎপাদনের ক্ষেত্রে কিছু কিছু উপজেলার ভূমি মানসম্মতভাবে উপযোগী নয়। ফলে এ সমস্ত উপজেলায় বীজ উৎপাদনের লক্ষ্যমাত্রা অর্জিত হয়নি। প্রসঙ্গক্রমে এ ধরনের প্রায় ৫০টি উপজেলা রয়েছে বলে প্রকল্প পরিচালক সভাকে অবহিত করেন। বিস্তারিত আলোচনা শেষে যে সকল উপজেলায় পাট বীজ উৎপাদনের লক্ষ্যমাত্রা অর্জিত হচ্ছে না, সম্ভব হলে সেগুলোকে এ প্রকল্প থেকে বাদ দিয়ে পাট বীজ উৎপাদন উপযোগী অন্যান্য উপজেলাকে অন্তর্ভুক্ত করার বিষয়ে সভায় একমত হয়।

৪.৪ সভায় জানানো হয় যে, প্রকল্পের ৩য় সংশোধিত প্রস্তাবিত ব্যয় ২য় সংশোধিত অনুমোদিত ব্যয় অপেক্ষা ৩১.৯৫ কোটি টাকা (১৭.৩৮%) হ্রাস পেয়েছে। অথচ প্রকল্পের মূল উদ্দেশ্যসমূহ একই রয়েছে। বিস্তারিত আলোচনা শেষে প্রকল্পের উদ্দেশ্যসমূহ আরও যৌক্তিকভাবে আরডিপিপি'তে প্রতিফলনের বিষয়ে সভা একমত পোষণ করে। এছাড়া প্রকল্পের ব্যয় হ্রাস-বৃদ্ধির কারণসমূহ আরডিপিপি'তে আরও সুনির্দিষ্টভাবে উল্লেখ করার বিষয়ে সভায় একমত হয়। অন্যদিকে প্রকল্পের নাম বাংলায় উল্লেখ করাসহ ব্যয়-বৃদ্ধি ব্যতিরেকে প্রকল্পের মেয়াদ জুলাই ২০১৬ হতে জুন ২০১৭ পর্যন্ত ১ (এক) বছর বৃদ্ধির বিষয়টি আরডিপিপি'র নির্ধারিত অংশে প্রতিফলনের বিষয়ে অভিমত ব্যক্ত করা হলে তা সভায় গৃহীত হয়।

৪.৫ প্রকল্পের আওতায় শিক্ষা সফর অংশে আরও ২৫ লক্ষ টাকা বেশী সংস্থান রাখার বিষয়ে জানতে চাওয়া হলে বস্ত্র ও পাট মন্ত্রণালয় এবং পাট অধিদপ্তরের প্রতিনিধিগণ জানান যে, বাস্তব অভিজ্ঞতা লাভের জন্য পাট ও পাট বীজ উৎপাদনকারী পার্শ্ববর্তী দেশে শিক্ষা সফরের উদ্দেশ্যে এ সংস্থান রাখা হয়েছে। সভাপতি সরকারী কর্মকর্তাদের পাশাপাশি পাট চাষীদেরও শিক্ষা সফরে প্রেরণের জন্য বলেন।

৪.৬ পরিকল্পনা কমিশন হতে উল্লেখ করা হয় যে, প্রকল্পের আওতায় প্রস্তাবিত অঙ্গভিত্তিক ব্যয় বিভাজনে রাজস্ব খাতের বিভিন্ন অঙ্গসমূহের যোগফল ভুলবশত: ১৩২৬৯.১১৫ লক্ষ টাকার স্থলে ১৩৪১৮.২৫ লক্ষ টাকা অর্থাৎ ১৪৯.১৩৫ লক্ষ টাকা বেশী উল্লেখ করা হয়েছে। ফলে প্রকল্পের সংশোধিত মোট ব্যয় ১৫০৪৩.০০৫ লক্ষ টাকার স্থলে ১৫১৯২.১৪ লক্ষ টাকা উল্লেখ করা হয়েছে। এছাড়া, অঙ্গভিত্তিক ব্যয় বিভাজন ছকে কোন কোন অঙ্গের সংখ্যা/পরিমাণ উল্লেখ করা হয়নি। আবার কোন কোন ক্ষেত্রে ভুল সংখ্যা/পরিমাণ উল্লেখ করা হয়েছে। বিস্তারিত আলোচনা শেষে প্রকল্পের আরডিপিপি'র প্রাক্কলিত ব্যয় সংশোধনসহ নির্ধারিত অংশে পরিমাপযোগ্য অঙ্গের সংখ্যা/পরিমাণ ও একক সুনির্দিষ্টভাবে উল্লেখ করার বিষয়ে সভায় একমত পোষণ করা হয়।

৪.৭ আরও উল্লেখ করা হয় যে, আরডিপিপি'র Annexure-IV অনুযায়ী উফশী জাতের পাট উৎপাদনের লক্ষ্যে ২০১১-১২ ও ২০১২-১৩ অর্থ বছরে সার ক্রয় বাবদ যথাক্রমে ৫৭৪.২৪ লক্ষ টাকা ও ৫৩১.৯২ লক্ষ টাকা ব্যয় করা হয়েছে। কিন্তু ২০১৩-১৪ হতে ২০১৫-১৬ অর্থ বছর পর্যন্ত এ বাবদ কোন অর্থ ব্যয় করা হয়নি। পুনরায় ২০১৬-১৭ অর্থবছরে সার ক্রয় বাবদ ৪৯০.০৪ লক্ষ টাকা সংস্থানের প্রস্তাব করা হয়েছে। একইভাবে, ২০১১-১২ অর্থ বছরে কীটনাশক ক্রয় বাবদ ৫৮.১০ লক্ষ টাকা ব্যয় করা হয়। কিন্তু ২০১২-১৩ হতে ২০১৫-১৬ অর্থ বছর পর্যন্ত এ বাবদ কোন অর্থের সংস্থান রাখা হয়নি। অথচ ২০১৬-১৭ অর্থ বছরে এ অঙ্গের বিপরীতে ৫০.০০ লক্ষ টাকা সংস্থান রাখার প্রস্তাব করা হয়েছে। বিস্তারিত আলোচনা শেষে ২০১৩-১৪ হতে ২০১৫-১৬ অর্থ বছর পর্যন্ত সার ক্রয় বাবদ কোন অর্থ ব্যয়িত না হওয়া এবং ২০১২-১৩ হতে ২০১৫-১৬ অর্থ বছর পর্যন্ত কীটনাশক বাবদ কোন অর্থ বরাদ্দ না রাখার কারণ আরডিপিপি'তে যথাযথভাবে উল্লেখ করার বিষয়ে সভায় ঐকমত্য হয়। এছাড়া, উক্ত বছরসমূহে পাট চাষীদের সার ও কীটনাশক সরবরাহ না করার কারণে পাট উৎপাদনের লক্ষ্যমাত্রা অর্জনে ইতিবাচক/নেতিবাচক প্রভাব পড়ার বিষয় আরডিপিপি'তে সন্নিবেশ করতে সভায় একমত পোষণ করা হয়।

৪.৮ সভায় আরও উল্লেখ করা হয় যে, আরডিপিপি'র Annexure-V এ পাট বীজ উৎপাদনের ক্ষেত্রে কোন কোন অর্থ বছরে সার ও কীটনাশক ব্যবহার করা হয়নি, আবার কোন কোন অর্থ বছরে এ সকল অঙ্গের বিপরীতে অর্থ ব্যয় করা হলেও পরিমাণ উল্লেখ করা হয়নি। বিস্তারিত আলোচনা শেষে সার ও কীটনাশক এর পরিমাণ এবং যে সকল অর্থ বছরে সার ও কীটনাশক ব্যবহার করা হয়নি তার কারণ আরডিপিপি'তে উল্লেখ করার বিষয়ে সভা একমত পোষণ করে।


৪.৯ সভায় জানানো হয় যে, আরডিপিপি'র Annexure-VI এ ২১৬৬৬ সেট কৃষি যন্ত্রপাতি ক্রয় বাবদ ৬৪৮.৭৯ লক্ষ টাকা ব্যয় প্রাক্কলন করা হয়েছে। অথচ আরডিপিপি'র অঙ্গ ভিত্তিক ব্যয় বিভাজন অংশে ২৩,৬৬৬ সেট (একক উল্লেখ করা হয়নি) কৃষি যন্ত্রপাতি সংগ্রহ বাবদ ৭০৭.১৯ লক্ষ টাকা ব্যয় প্রাক্কলন করা হয়েছে। আরডিপিপি'র এ দুই অংশে একই অঙ্গের বিপরীতে একক ও মোট ব্যয়ের পরিমাণে অসামঞ্জস্যতা দূর করার বিষয়ে সভায় ঐকমত্য হয়।

৫। সিদ্ধান্তঃ সভায় বিস্তারিত আলোচনা শেষে সর্বসম্মতিক্রমে নিম্নলিখিত সিদ্ধান্তসমূহ গৃহীত হয়ঃ

- ৫.১ প্রকল্পের অবশিষ্ট কাজ আগামী জুন ২০১৭ পর্যন্ত বর্ধিত এক বছর মেয়াদে সুষ্ঠুভাবে সম্পাদনের লক্ষ্যে একান্ত অপরিহার্য অঙ্গসমূহের ব্যয় আরও যৌক্তিকভাবে নির্ধারণ করতে হবে;
- ৫.২ বস্ত্র ও পাট মন্ত্রণালয় এ ধরনের প্রকল্পের আওতায় উৎপাদিত বীজ প্রত্যয়ন করাসহ প্রকল্পের তালিকাভুক্ত কৃষকগণের কাছ থেকে সংগ্রহ ও সংরক্ষণের জন্য উদ্যোগ গ্রহণ করবে;
- ৫.৩ প্রকল্পের আওতায় যে সকল উপজেলায় পাট বীজ উৎপাদনের লক্ষ্যমাত্রা অর্জিত হচ্ছে না, সম্ভব হলে সেগুলোকে বাদ দিয়ে পাট বীজ উৎপাদন উপযোগী অন্যান্য উপজেলাকে অন্তর্ভুক্ত করা যেতে পারে;
- ৫.৪ প্রকল্পের নাম বাংলায় উল্লেখ করাসহ উদ্দেশ্যসমূহ আরও যৌক্তিকভাবে আরডিপিপি'তে প্রতিফলন করতে হবে;
- ৫.৫ প্রকল্পের ব্যয় হ্রাস-বৃদ্ধির কারণসমূহ আরও সুনির্দিষ্টভাবে উল্লেখপূর্বক প্রকল্পের ব্যয়-বৃদ্ধি ব্যতিরেকে বৃদ্ধিপ্রাপ্ত মেয়াদ আরডিপিপি'র নির্ধারিত অংশে প্রতিফলন করতে হবে;
- ৫.৬ প্রকল্পের আওতায় শিক্ষা সফরে তালিকাভুক্ত কৃষকগণের প্রতিনিধি, পরিকল্পনা কমিশন এবং আইএমইডি'র প্রতিনিধি অন্তর্ভুক্ত করা যেতে পারে; এবং
- ৫.৭ অনুচ্ছেদ ৪.৬ হতে ৪.৯ তে উল্লিখিত বিষয়সমূহ আরডিপিপি'তে আবশ্যিকভাবে প্রতিফলন করতে হবে।

৬। উপরে বর্ণিত সিদ্ধান্তসমূহ পুনর্গঠিত আরডিপিপি'তে প্রতিপালন সাপেক্ষে বস্ত্র ও পাট মন্ত্রণালয় কর্তৃক প্রস্তাবিত “উচ্চ ফলনশীল (উফশী) পাট ও পাট বীজ উৎপাদন এবং উন্নত পাট পচন (৩য় সংশোধিত)” শীর্ষক প্রকল্পটি অনুমোদনের জন্য সুপারিশ করা হয়।

৭। অতঃপর আর কোন আলোচনা না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।


(জুয়েনা আজিজ)
ভারপ্রাপ্ত সদস্য
শিল্প ও শক্তি বিভাগ
পরিকল্পনা কমিশন

উপস্থিত কর্মকর্তাবৃন্দের তালিকা

বিষয়ঃ “এইচ. ওয়াই. ভি. জুট এড জুট সিড প্রোডাকশন ইসপুভড জুট রেটিং প্রজেক্ট (৩য় সংশোধিত)” শীর্ষক প্রকল্পের ওপর
২য় প্রকল্প মূল্যায়ন কমিটি (পিইসি) সভা।

সভার তারিখ ও দিনঃ ২১/০৭/২০১৬, বৃহস্পতিবার।

সময়ঃ অপরাহ্ন ২:০০; সভার স্থানঃ পরিকল্পনা বিভাগের সম্মেলন কক্ষ (ব্লক-১০, কক্ষ-৪), পরিকল্পনা মন্ত্রণালয়, শেরে-বাংলা
নগর, ঢাকা।

সভাপতিঃ বেগম জুয়েনা আজিজ, ভারপ্রাপ্ত সদস্য, শিল্প ও শক্তি বিভাগ, পরিকল্পনা কমিশন।

ক্রমিক নং	নাম ও পদবি	মন্ত্রণালয়/বিভাগ/সংস্থা	ফোন নম্বর	স্বাক্ষর
১.	(শ্রী: মোহাম্মদ মোহাম্মদ সাজিদ সি.ই.সি.)	পরি. সচিব		সাজিদ ২০/৭/১৬
২.	ড. মোহাম্মদ হুমায়ূন সি.ই.সি.	পরি. সচিব		হুমায়ূন
৩.	ড. (শ্রী: মোহাম্মদ মোহাম্মদ সি.ই.সি. সচিব (সি.ই.সি.))	সি.ই.সি. সচিব		মোহাম্মদ ২১.৭.১৬
৪.	শ্রী: মোহাম্মদ হুমায়ূন সি.ই.সি. সচিব (সি.ই.সি.)	সি.ই.সি. সচিব	০২-২২২৬৭১৪	হুমায়ূন ২০/৭/১৬
৫.	ড. মোহাম্মদ হুমায়ূন সি.ই.সি. সচিব (সি.ই.সি.)	সি.ই.সি. সচিব	০১৭১১৯৬১২৯২	হুমায়ূন ২০/৭/১৬
৬.	শ্রী: মোহাম্মদ হুমায়ূন সি.ই.সি. সচিব (সি.ই.সি.)	সি.ই.সি. সচিব	০১৭৩২৬৬৩৩৭২	হুমায়ূন ২০/৭/১৬
৭.	নারায়ণ চন্দ্র সরকার সি.ই.সি. সচিব (সি.ই.সি.)	সি.ই.সি. সচিব	০১৭৪২০১৩৩২	সি.ই.সি. ২০/৭/১৬
৮.	সোফিয়া রুস্তাম সি.ই.সি. সচিব (সি.ই.সি.)	সি.ই.সি. সচিব	৭১৪০৬৬২	সোফিয়া
৯.	আদিলা মোহাম্মদ, অতিরিক্ত সি.ই.সি. সচিব (সি.ই.সি.)	সি.ই.সি. সচিব	০১৭১৫৭৯০৩৩৯	আদিলা
১০.	মোহাম্মদ মোহাম্মদ হুমায়ূন সি.ই.সি. সচিব (সি.ই.সি.)	সি.ই.সি. সচিব	২১৮০২৬৪	মোহাম্মদ
১১.	ড. মোহাম্মদ হুমায়ূন সি.ই.সি. সচিব (সি.ই.সি.)	সি.ই.সি. সচিব		হুমায়ূন
১২.	(শ্রী: মোহাম্মদ হুমায়ূন সি.ই.সি. সচিব (সি.ই.সি.)	সি.ই.সি. সচিব	২১১৭৩৩১	হুমায়ূন
১৩.				
১৪.				
১৫.				
১৬.				
১৭.				